

中山傳信錄

中山傳信錄序

古者輶軒之使必紀土風誌物  
宜所以重其俗也況於萬里之  
外蠻夷海島之中乎編修澄齋  
徐館丈之使琉球也以文章華  
國以政事經邦而且儀容端偉  
言辭敏妙真可謂使於四方不  
辱君命者矣歸而作中山傳信

錄凡若干卷中列中山王圖紀  
其宴享以志其崇奉中國之誠  
又為之表其世系度其封疆與  
其官秩之崇卑廩祿之厚薄又  
為之定其針路無過用卯針則  
無流至葉壁山之患終為之圖  
寫土產卉木動植之物必肖其  
狀而首則著其揚帆奉使為封

舟圖以見

聖天子威靈呵護出入於千波  
萬水之中經涉魚龍窟穴雖掀  
風鼓浪如履平地猗歟壯哉往  
者族父舟次先生奉使時排日  
赴宴宴畢即上舩候風今徐君  
公事畢間與其陪臣搜巖剔壑  
揮筆賦詩非以是侈其遊眺蓋

將歸而著述以為得之傳聞不  
如目見者之為真也其國官之  
尊者曰紫金大夫時為之者即  
舟次先生前使時所請陪臣子  
弟入學讀書者也其文辭可觀  
與之言娓娓有致今之所述皆  
得之其口與其諸臣所言證之  
史牒信而有徵嵇含之南方草

木狀范成大之桂海虞衡志豈  
足羨哉賦皇華者所宜人置一  
編者也康熙六十年左春坊左  
中允南書房舊直汪士鋐序

中山傳信錄序

琉球見自隋書其傳甚畧北史唐書宋史諸史因之  
正史而外如杜氏通典集事淵海星槎勝覽羸蟲錄  
等書所載山川風俗物產皆多舛漏前明洪武五年  
中山王察度始通中朝而明一統志成於天順初百  
年中爲時未久故所載皆仍昔悞幾無一實焉嘉靖  
甲午陳給事侃奉使始有錄歸上於朝其疏云訪其  
山川風俗人物之詳且駁羣書之謬以成紀畧質異  
二卷末載國語國字而今鈔本什存二三矣萬曆中

再遣使蕭崇業夏子陽皆有錄而前後相襲崇禎六年杜三策從客胡靖記尤俚誕 本朝康熙二年兵科張學禮使畧雜錄二卷頗詳於昔二十二年檢討汪楫奉

勅撰中山沿革志二卷雜錄五卷典實遠非前比然於山川轄屬仍有闕畧風俗制度物產等亦俱未備蓋使期促迫揅討倉猝語言文字彼此訛謬是以所聞異詞傳焉寡信茲役也自己亥六月朔至國候汎踰年至庚子二月十六日始行其在中山凡八閱月封



宴之暇先致語國王求示中山世鑑及山川圖籍又時與其大夫之通文字譯詞者遍遊山海間遠近形勢皆在目中考其制度禮儀觀風問俗下至一物異狀必詢名以得其實見聞互証與之往復去疑存信因并海行針道封宴諸儀圖狀并列編爲六卷雖未敢自謂一無舛漏以云傳信或庶幾焉且諸史於外邦載記大率荒畧今琉球雖隔大海新測晷景與福州東西相值僅一千七百里世世受封歲歲來貢與內地無異伏觀

禁廷新刊輿圖朝鮮哈密拉藏屬國等圖皆在焉海外  
藩封例得附於其次若仍前誕妄不爲釐正亦何以  
見

聖朝風化之遠與外邦內嚮之久以附職方稱甚盛哉  
故於載筆時尤兢兢致慎云康熙六十年歲在辛丑  
秋八月翰林院編修臣徐葆光謹序

中山傳信錄卷第一

封舟

渡海兵役

更

針盤 玻璃漏

針路

前海行日記

後海行日記

歷次封舟渡海日期

風信


風暴日期


天妃靈應記

諭祭海神文

春秋祀典疏

封舟圖





中山傳信錄卷第一

冊封琉球國王副使 賜正一品麒麟服翰林院編修加二級臣徐葆光纂

封舟

從前冊封以造舟爲重事歷考前冊採木各路騷動夫役開廠監造糜費官帑奸吏假手爲弊無窮經時累歲其事始舉自前明以至

本朝冊封之始其煩費遲久前後一轍也康熙二十一年使臣汪楫林麟焟卽取現有二戰艦充之前弊始絕至今三十餘年區宇昇平海濱利涉沿海縣鎮巨

舶多有

冊封命下

臣

等未到閩前督臣滿保移檄各鎮選大船

充用豫爲修葺諸具咸備二船取自浙江寧波府屬

皆民間商舶較往時封舟大小相埒而費輕辦速前

此未有也

按宋徐兢奉使高麗神舟二皆勅賜名字客舟六共八舟明封舟或一或二今二舟

一號船使臣共居之二號船載兵役一號船前後四

艙每艙上下三層下一層填壓載巨石安頓什物中

一層使臣居之兩旁名曰麻力截爲兩層左右八間

以居從役艙口梯兩折始下艙中寬六尺許可橫一



床高八九尺上穴艙面爲天窗井方三尺許以通明  
雨卽掩之晝黑如夜艙面空其右以行船左邊置爐  
竈數具板閣跨舷外一二尺許前後圍篷作小屋一  
二所日番居以避艙中暑熱水艙水櫃設人主之置  
籤給水人日一甌船尾虛梢爲將臺立旗纛設籐牌  
弓箭兵役吹手居其上將臺下爲神堂供天妃諸水  
神下爲舵樓樓前小艙布針盤夥長舵工及接封使  
臣主針者居之船兩旁大小炮門十二分列左右軍  
器稱是蓆篷布篷九道艙面橫大木三道設軸轉繚

以上下之船戶以下共二十二人各有專掌其中最  
趨捷者名鴉班正副二人登檣瞭望上下如飛兵丁  
皆習行船事每船百人爲之佐一號船千總督之二  
號船守備督之

一號船長十丈寬二丈八尺深一丈五尺

前明封舟連尾虛梢

長十七丈寬三丈一尺六寸深一丈三尺三寸嘉靖  
中正使陳侃副使高澄等題請定式嘉靖三十八  
年封舟依舊式造長帶虛梢一十五丈寬二丈九尺  
七寸深一丈四尺萬曆七年造封舟帶虛梢一十  
四丈寬二丈九尺深一丈四尺崇禎六年冊使杜  
三策從客胡靖記錄封舟長二十丈廣六丈本  
朝康熙二年張學禮記形如梭子長十八丈寬二丈  
二尺深二丈三尺康熙二十二年汪楫記選二鳥

船充用船長一十五丈有奇寬二丈六尺按海防冊  
云烽火營鳥船一隻長一十二丈三尺寬二丈五尺  
閩安中營鳥船一隻長一十二丈二尺寬二丈六尺五寸  
前後四艙水艙四水櫃  
四水桶十二共受水七百石

舵長二丈五尺五寸寬七尺九寸西洋造法名夾板  
舵不用勒肚舵以鐵力木爲之名曰鹽舵漬海水中

愈堅

前明封舟定製鐵力木舵三門每門長三丈五  
尺有大纜繫之由船底兜至船頭謂之勒肚以

槐藤爲之今二封舟皆取商船充用二號製如鳥船  
式用勒肚二條一號船係西洋夾板肚不用勒肚又  
不置副舵將出海時與閩中有司爭置副舵本船夥  
長林某云船舵西洋造法最堅穩可無用副且舵重  
萬觔船中亦無處置之竟  
不置副舵與前小異云

大桅長九丈二尺圍九尺

頭桅長七丈二尺圍七尺

櫓二長四丈寬二尺三寸

旋大小各二大者長二丈七尺小者長二丈四尺皆

寬八寸及七寸形如个字皆以鐵力木爲之旋上棕

索二條長一百托圍一尺五寸

按字書碇鍾舟石也與碇同無旋字今以

木爲之故俗字從木

大桅席篷寬五丈二尺長五丈三尺轆轤索三條長

三十五托圍一尺二寸

繚母索二條長一十五托圍一尺五寸

頭桅蓆篷寬二丈二尺長二丈八尺

大桅頂篷名頭巾頂惟官舶始用之商船不得用長

五丈四尺寬五丈

徐兢錄云大樁之巔加小帆十幅謂之野狐涎始卽頭巾頂也

大桅下布篷名蓬裙長六尺寬一丈五尺

頭桅上布篷名頭幙上尖下方三角形長三丈下濶

二丈八尺

插花布篷長四丈八尺寬三丈四尺

插花下布篷名插花褲長六尺寬一丈五尺

頭緝布篷長四丈五尺寬二丈五尺

尾送布篷長四丈寬二丈七尺

共篷九道

二號船長十一丈八尺寬二丈五尺深一丈二尺

前後共二十三艙水艙二水櫃四水桶十二受水六百石

舵長三丈四尺寬七尺制同鳥船舵用勒肚二條長十五丈從尾左右夾水兜至頭上

大桅長八丈五尺圍八尺五寸

頭梳長六丈五尺圍六尺

櫓四長四丈寬二尺二寸

旋大小三具

大梳蓆篷長五丈七尺寬五丈六尺

頭梳蓆篷長五丈七尺寬五丈六尺

大梳頭巾頂布篷長五丈寬四丈八尺

大梳下布篷裙長六尺寬一丈六尺

插花布篷長四丈八尺寬三丈二尺

插花褲布篷長五丈寬一丈三尺

頭緝布篷長四丈寬二丈四尺

尾送布篷長三丈六尺寬二丈五尺

共篷八道少頭幙布篷一道

每船船戶以下二十二人

正夥長主針盤羅經事副夥長經理針房兼主水鉤  
長綆三條候水淺深

正副舵工二人主舵二號船上兼管勒肚二條

正副棹二人主棹四門行船時主頭緝布篷

正副鴉班二人主頭巾頂帆大桅上一條龍旗及大



旗

正副杉板工二人主杉板小船行船時主清風大旗及頭帆

正副繚手二人主大帆及尾送布帆繚母棕繚木索等物

正副值庫二人主大帆插花天妃大神旗又主裝載押工一人主修理槓槓及行船時大桅千觔墜一條香公一人主天妃諸水神座前油燈早晚洋中獻紙及大帆尾繚

頭阡一人主大桅緯索大旋索盤絞索大櫓車繩  
二阡二人主大桅緯索副旋索盤絞索大櫓車繩  
三阡一人主大桅緯索三旋索盤絞索車子數根  
正副總舖二人主鍋飯柴米事

渡海兵役

正使家人二十名副使家人十五名外海防廳送使  
副共書辦二名巡捕二名長班四名門子二名皂隸  
八名健步四名轎傘夫二十名引禮通事二員鄭任譯馮  
西護送守備一員海壇鎮左營千總一員蔡勇官兵二  
熊

百名

閩安鎮烽火營海壇鎮左右中三營各四十名

內科醫生一人外科醫

生一人道士三名老排一名吹鼓手八名厨子四名

艦匠二名艚匠四名風帆匠二名索匠二名鐵匠二

名裁縫二名糊紙匠二名裱褙匠一名糕餅匠一名


待詔一名

凡兵役隨身行李貨物每人限帶百觔按歷來封舟過海兵役等皆有壓鈔貨物帶

往市易舊例萬曆七年已卯冊使長樂謝行人杰有日東交市記後有恤役一條言自洪武間許過海五百人行李各百觔與琉人貿易著爲條令甲午之役得萬金五百人各二十金多者三四十金少者亦得十金八金辛酉之役僅六千金五百人各得十二金多者二十金少者五六金稍失所望是以已卯招募僅得中材應役不能如前之精工也所獲僅三千餘金人各八金多者十五六金少者三四金大失所望

至捐廩助之始得全體而歸蓋甲午之役番船轉販者無慮十餘國其利既多故我衆所獲亦豐辛酉之役番船轉販者僅三四國其利既少故我衆所獲亦減已卯之役通番禁弛番船不至其利頓絕故我衆所獲至少勢使然也今康熙二十二年癸卯之役是時海禁方嚴中國貨物外邦爭欲購致琉球相近諸島如薩摩洲土噶喇七島等處皆聞風來集其貨易售閩人沿說至今故充役者衆昇平日久琉球歲來貿易中國貨物外邦多有此番封舟到後土噶喇等番舶無一至者本國素貧乏貨多不售人役並困法當禁絕商賈利徒之營求充役者損從減裝一可以紓小邦物力之艱一可以絕衆役覬覦之想庶幾兩利俱全矣乎

玻璃漏



針盤



更 定更法

海中船行里數皆以更計或云百里爲一更或云六十里爲一更或云分晝夜爲十更今問海舶夥長皆云六十里之說爲近

舊錄云以木梯從船頭投海中人疾趨至梢人梯同  
至謂之合更人行先於梯爲不及更人行後於梯爲  
過更今西洋船用玻璃漏定更簡而易曉細口大腹  
玻璃瓶兩枚一枚盛沙滿之兩口上下對合通一線  
以過沙懸針盤上沙過盡爲一漏卽倒轉懸之計一  
晝一夜約二十四漏每更船六十里約二漏半有零  
人行先木梯爲不及更者風慢船行緩雖及漏刻尚  
無六十里爲不及更也人行後於梯爲過更者風疾  
船行速當及漏刻已踰六十里爲過更也

針路圖

南

南港

漳州

泉州

西

福州

溫州

台州

東

所立作

縣安國

塔牙通

五虎門

所定

山蘇里

山盤

山尾風

山魚


山把南

山紀第

山花

山佳色

山佳釣



北

東

山南  
中山  
山北

山登

山登

山登

山登

山登

山登



## 針路

琉球在海中本與浙閩地勢東西相值但其中平行無山船行海中全以山爲準福州往琉球出五虎門必取雞籠彭家等山諸山皆偏在南故夏至乘西南風叅用辰巽等針袞繞南行以漸折而正東琉球歸福州出姑米山必取溫州南杞山山偏在西北故冬至乘東北風叅用乾戌等針袞繞北行以漸折而正西雖彼此地勢東西相值不能純用卯酉針徑直相往來者皆以山爲準且行船必貴占上風故也

指南廣義云福州往琉球由閩安鎮出五虎門東沙

外開洋用單乙 或作辰針十更取雞籠頭見仙卽從山北邊過船以

下諸山花瓶嶼彭家山用乙卯並單卯針十更取釣

魚臺用單卯針四更取黃尾嶼用甲寅卯 或作針十或作

一更取赤尾嶼用乙卯針六更取姑米山琉球西南方界上鎮

山用單卯針取馬齒甲卯及甲寅針收入琉球那霸

港

福州五虎門至琉球姑米山共四十更船

琉球歸福州由那霸港用申針放洋辛酉針一更半

見姑米山並姑巴甚麻山辛酉針四更辛戌針十二  
更乾戌針四更單申針五更辛酉針十六更見南杞  
山屬浙江溫州坤未針三更取臺山丁未針三更取里麻  
山一名霜山單申針三更收入福州定海所進閩安鎮  
琉球姑米山至福州定海所共五十更船

前海行日記

閩有司既治封舟畢工泊于太平港羅星塔五月十  
日壬午賁

詔勅至南臺以小舟至泊船所十五日祭江取水蠲吉

于二十日壬辰奉

詔勅升舟連日夜風皆從東北來是日轉西南遂于未  
初起旋至怡山院

諭祭於海神

二十一日癸巳日出西南風日中至管頭出金牌門  
日入未過黃蝦鼻下旋

二十二日甲午日出丁未風過梅花頭日中丁風帶  
午乘潮出五虎門放洋過官塘尾日入至進士門夜  
至九漏轉丁未風接封陪臣正議大夫陳其湘率其

國夥長主針用乙辰針三更半

二十三日乙未日出見東湧在船後約離一更半許  
丁未風用乙卯針二更約離官塘八更半許

二十四日丙申日出丁午風仍用乙卯針日未中過

米糠洋

海水碧徹如靛細黃沙如  
涎沫連亘水面如米糠

見羣魚拜水日將

入有大鳥二來集于檣是夜風益利用乙卯針四更  
共計十三更半當見雞籠山花瓶棉花等嶼及彭家  
山皆不見夜用乙卯針四更半共十七更船東北下  
一更半許

二十五日丁酉日出丁未風輕用單乙針二更乙卯針一更半夜至四漏轉正南風用單乙針一更半共計二十一更

二十六日戊戌日出正南風日未中轉丁午逾時丁未風微起用單乙針一更日中風靜縋水無底晚哺轉丙午風用乙卯針風靜船停不上更日入風微起至四漏轉丁午風用乙卯一更至八漏又用單卯二更至天明

二十七日己亥日出丁午風日未中風靜船停有大

沙魚二見于船左右日入丁午風起至二漏轉丁風  
用乙辰針二更半天將明應見釣魚臺黃尾赤尾等  
嶼皆不見共用卯針二十七更半船東北下六更許  
二十八日庚子不用接封陪臣主張卯針本船夥長  
林某改用乙辰針日未中丁未風行二更半鴉班上  
檣見山一點在乙位約去四更餘水面小黑魚點點  
接封陪臣云此出姑米山所見或是姑米而未能定  
日入風轉丁午用辰巽針二更

二十九日辛丑日出見東北小山六點陪臣云此非

姑米乃葉壁山也在國西北始悟用卯針太多船東北下若非西北風不能提舟上行至那霸收港也日中禱于神忽轉坤申庚風一時又轉子癸陪臣大喜乃迴針東南行指一小山云此名讀谷山由此迤轉卽入港日入轉丑艮風大熾用丙巳針又用丙午單卯針先是四五日前未見山舟浮不動水艙將竭衆頗惑禱于神玆示曰二十八日見山初一日到港至是六月朔壬寅日未出遂入港行海中凡七晝八夜

云二號船先到海口候一號船至相次入港針簿別錄亦落北見葉壁山始回也



臣葆光按琉球針路其大夫所主者皆本于指南

廣義其失在用卯針太多每有落北之患前使汪

楫記云封舟多有飄過山北已復引回稽諸使錄

十人而九

明嘉靖十一年陳侃記舟至葉壁山小舟四十牽挽八日始至那霸嘉靖三

十七年郭汝霖記已至姑米山頭目云得一日夜

之力卽未遽登岸可保不下葉壁山矣可見下葉

壁卽琉人亦以爲戒萬曆四年蕭崇業記六月初一日過葉壁山薄山下由此陸路至國兩日程

挽舟初五日始泊那霸康熙二年張學禮記舟抵琉球北山與日本交界北風引舟南行始達那

霸封舟不至落北者惟前明冊使夏子陽及本

朝汪楫二人考夏錄則云梅花所開洋過白犬嶼

又取東沙嶼丁上風用辰巽針八更船取小琉球  
山未上風乙卯針二更取雞籠申酉上風用甲卯  
針四更船取彭家山亥上風用乙卯針三更船未  
上風用乙卯針三更船取花瓶嶼丁未上風用乙  
卯針四更船取釣魚嶼丙午上風用乙卯針四更  
船取黃尾嶼丙上風用乙卯針七更船丁上風用  
辰巽針一更取姑米山又辰巽針六更船取土那  
奇翁居里二山

今譯爲度那奇安根呢  
山二山在馬齒山之西

又辰巽一

更取馬齒山到港汪錄則云

本錄不載見  
洋舶針簿內

乙辰八

更取雞籠頭用辰多辰與三更取梅花嶼單卯十

更取釣魚臺北邊過乙辰四更取黃尾嶼

得力在此四更

船身提上已見黃尾嶼下用甲卯針取姑米定是正西風利故也

甲卯十更取姑

米山乙卯七更取馬齒山甲寅并甲卯取那霸港

蓋自雞籠山東行釣魚嶼赤尾嶼以至姑米山諸

山皆在南借爲標準俱從山北邊過船見山則針

正應見不見則針已下漸東北行必至見葉壁山

矣要其病皆由于用卯針太多又不能相風用針

夫西南風固皆爲順而或自午或自丁或自未與

坤者方位又各不同今指南廣義所錄則專言針  
混言風又多用卯針故往往落北不見姑米而見  
葉壁也後人或不見山不可信接封者主張卯針  
當深翫夏汪二錄酌風叅用辰巽等針將船身提  
上則保不下葉壁矣

後海行日記

二月十六日癸丑巳刻封舟自琉球那霸開洋用小  
船百餘引出港口琉球官民夾岸送者數千人小船  
豎旗夾船左右送者數百槳是日晴明南風送颿用

乾亥針一更半單乾針四更過馬齒安根呢度那奇等山海水滄黑色日入見姑米山二點離二更半許夜轉丁未西南風十三漏轉坤未風用乾戌三更半風有力頭巾頂索連斷三次

十七日甲寅日出龍二見于船左右水沸立二三丈轉西北風用單子針一更日入至十四漏轉坤未風用乾戌一更夜見月至明

十八日乙卯日出用單乾乾戌四更日入至十四漏西南風有力用乾戌四更半夜見月至明

十九日丙辰日出轉辛酉西風帶南風不定用單庚  
一更日中轉壬子癸風用單酉針至日入轉子癸又  
轉丑癸用單戌三更半夜見月至明

二十日丁巳日出轉艮寅東北順風日中轉甲卯用  
辛戌四更日入轉乙辰風大雨船共行二十六更半  
是日海水見綠色夜過溝祭海神轉巽巳風用辛酉  
三更半至明

二十一日戊午日出大霧正南風轉西南又轉西北  
風不定船行緩不上更繩水四十八托有鳥來集于

檣轉子癸風至十三漏轉東北大順風用庚申二更至明

二十二日巳未日出東北風晴大寒用庚酉申四更半日入有燕二來集檣上至十一漏轉乙卯風縋水四十托用庚酉一更夜雨大霧

二十三日庚申日出霧大雨無風縋水三十二托日晡壬亥風起日入轉壬子風夜雨大寒用庚酉二更未明見山離一更遠許

二十四日辛酉日出用單申一更至魚山及鳳尾山

二山皆屬台州封舟回閩針路本取溫州南杞山此  
二山又在南杞北五百里船身太開北行離南杞八  
更遠許日晡轉北風用丁未針三更日入舟至鳳尾  
山風止下旋

二十五日壬戌無風舟泊鳳尾山夜雨有數小船來  
伺警至明

二十六日癸亥日出東北風起旋行大雷雨有旋風  
轉蓬日晡轉壬亥風用單未坤未三更日入風微用  
單未一更見南杞離一更許



二十七日甲子日出晴見盤山至溫州東北順風用  
坤申庚四更縋水十四托離北關一更許日入用坤  
申庚一更至臺山下旋夜十八漏又起旋至明見南  
北關二號船先一日過南關

二十八日乙丑東北風無力船泊七星山縋水九托  
夜至五漏颶作旋走用乙辰針行七漏加副旋泊船  
二十九日丙寅日出至霜山東北風用申庚酉針日  
晡與二號船齊至定海所琉球謝

恩船先一日到相次泊

三十日丁卯東北風乘潮三船雁次進五虎門日中  
至怡山院

諭祭于海神行海中凡十四晝夜云

臣

葆光按冊封之役有記錄者自前明嘉靖中陳

侃始至康熙二十一年汪楫等凡七次封舟回閩  
折桅漂柁危險備至披閱之次每爲動心今奉

皇上威靈海神效順踰年行役幸避冬汛之危半月漂  
浮絕少過船之浪桅柁無副竟免摧傷偶有風暴  
隨禱立止上下數百人安行而回遠勝疇昔額手

慶幸胥戴

皇恩至于顛仆嘔逆小小困頓海舶之常何足云也

歷次封舟渡海日期

嘉靖十三年甲午午陳侃使錄海行十八日至琉球

五月

初八日出海二十七日回福州  
九月二十日出那霸  
五日至那霸港  
二十八日至定海所

嘉靖四十一年壬戌郭汝霖使錄海行十一日至琉

球  
五月二十二日出海閏  
五月初九日至那霸港  
十一日回福州  
十月十八日出那霸

二十九日  
至五虎門

萬曆八年庚辰蕭崇業使錄海行十四日至琉球

五月

二十二日出海六月初五日至那霸九日回福州十月二十四日出海十一月初二日到定

海所

萬曆三十三年乙巳夏子陽使錄八日至琉球五月

四日出海六月初一日至那霸十一日回福州十月二十一日出海十一月初一日到五

虎門

崇禎六年癸酉杜三策從客胡靖錄九日至琉球六月初四日出

海八日過姑米山十一日回福州十一月初九日出海十九日到五虎門

康熙二年癸卯張學禮使錄十九日至琉球六月初七日出

海二十五日到那霸十一日回福州十一月十四日出海二

康熙二十二年癸亥汪楫使錄三日至琉球

六月二十三日

出海二十六

十一日回福州

十一月二十四日出海十二月初四日至定海

日到那霸所

臣葆光按封舟以夏至後乘西南風往琉球以冬

至後乘東北風回福州此言其概也南風和緩北風凜冽故歸程尤難非但內外水勢有順逆也嘉萬封舟回閩率先冬至在九十月朔風猶未勁歸帆最宜十一月十二月冬至前後則風勢日勁浪必從船上過矣若正月則風颶最多且應期不

爽萬無行舟之理二月中則多霧龍出海矣然春風和緩茲役親驗之浪無從船上過者殆遠勝於冬至前後也海船老夥長言十月二十日後東風送順爲吉葆光在琉球無日不占風所向歷考數月內風自東來不間斷者惟十月二十日後十一月初五日前半月中爲然因考陳侃以來惟蕭崇業之歸閩較爲安吉其出海日期乃十月二十四日爲不誣也附此以告後來者

風信

清明後地氣自南而北則南風爲常霜降後地氣自北而南則北風爲常若反其常則颱風將作 風大而烈者爲颶又甚者爲颱風常驟發颶則有漸颶或瞬發倏止颶則連日夜或數日不止大約正二三四月爲颶五六月爲颶九月則北風初烈或至連月俗稱九降風間或有颶則驟至如春颶船在洋中遇颶猶可爲遇颶不可當矣 十月以後北風常作然颶颶無定期舟人視風隙以往來五六七八月應屬南風颶將發則北風先至轉而東南又轉而南又

轉而西南 颶颶始至多帶雨九降風則無雨 五  
六七月間風雨俱至舟人視天色有點黑則收帆嚴  
舵以待之瞬息間風雨驟至隨刻卽止若豫備少遲  
則收帆不及或至傾覆 天邊有斷虹亦颶將至雲  
片如帆者曰破帆稍及半天如鰲尾者曰屈鰲出北  
方者甚於他方 海水驟變水面多穢如米糠海蛇  
浮遊水面亦颶將至

風暴日期

正月初四日

接神

初九日

玉皇颶此日有颶後颶皆  
驗否則後亦多不驗者



十三日

關帝

二十九日

烏廐又  
龍神會

又正月初三日初八日十一日二十五日月晦日

皆龍會日主風

二月初二日

白鬚

初七日

春明

二十一日

觀音

二十

九日

龍神朝  
上帝

又二月初三日初九日十二日皆龍神朝上帝之

日

三月初三日

上帝

初七日

閻王

十五日

真人

君二十三日

天妃誕媽祖廐真人

二十八日

諸神朝  
上帝

又三月初三日初七日二十七日皆龍神朝星辰之日

四月初一日白龍暴初八日佛子廕又名太子暴二十三日大保暴

二十五日龍神大白暴

又四月初八日十二日十七日皆龍會太白之日

五月初五日係大廕名屈原廕十三日關帝廕二十一日龍母暴

又五月初五日十一日二十九日皆天帝龍王朝

玉皇之日

六月十二日彭祖廕十八日彭祖婆廕二十四日雷公誕此暴最准名

爲洗炊籠颶自十二日起至二十四日止皆係大颶之旬

又六月初九日二十七日皆地神龍王朝玉皇之日

七月初八日神煞十五日颶

又七月初七月初九日十五日二十七日皆神煞

交會之日

八月初一日竈君初五日係大十四日伽藍十五日暴

魁星二十一日龍神大會

又八月初三日初八日二十七日皆龍王大會之

日

九月初九日

重陽暴

十六日

張良颶

十九日

觀音颶

二十七

日

冷風暴

又九月十一日十五日十九日皆龍神朝玉帝之

日

十月初五日

風信暴

初十日

水仙王颶

二十日

東嶽朝天

二十六

日

參差颶

又十月初八日十五日二十七日皆東府君朝玉

皇之日

十一月十四日

水仙

二十七日

普安

二十九日

西嶽朝天

十二月二十四日

送神輿又名掃塵風


凡遇風暴日期不在本日則在前後三日之中又箕壁翼軫四宿亦主起風皆當謹避之

風信考以下至此皆指南廣義所載或採禁忌方書或出海師舵工所記其語不盡雅馴而參攷多驗今附此以告後來者



天妃靈應圖







天妃靈應記

天妃莆田湄洲嶼林氏女也

張學禮記云天妃蔡氏女猴嶼人非是

父

名愿

字曰惟慤母王氏一云林孚第六女

宋初官都巡檢妃生而神靈

少與群女照井有神捧銅符出以授妃群女奔駭自

是屢著神異常乘片席渡海人咸稱爲通賢靈女一

日方織忽據機瞑坐顏色變異母蹴起問之寤而泣

曰父無恙兄歿矣有頃信至父與兄渡海舟覆若有

挾之者父得不溺兄以柁摧遂墮海死雍熙四年昇

化于湄州嶼

張學禮記云救父投海身亡非是一云妃生于建隆元年庚申三月二十三日

一云如生於哲宗元祐八年一云生于甲申之歲按  
如于宋太宗雍熙四年九月初九日昇化室處二十  
八歲則當以建隆元年一說  
爲是生彌月不啼名曰默  
時顯靈應或示夢或示

神燈海舟獲庇無數土人相率祀之宋徽宗宣和五  
年給事中路允迪使高麗八舟溺其七獨允迪舟見  
神朱衣坐桅上遂安歸聞于朝賜廟額曰順濟高宗  
紹興二十六年始封靈惠夫人賜廟額曰靈應三十  
年海寇至江口神見風濤中寇潰就獲泉州上其事  
封靈惠昭應夫人孝宗乾道二年興化疫神降于白  
湖去潮丈許得甘泉飲者立愈又海寇至霧迷其道

至廟前就擒封靈惠昭應崇福夫人淳熙十一年助

巡檢姜特立捕溫台寇封靈惠昭應崇福善利夫人

注錄作靈慈昭應崇善福利夫人靈慈乃廟號凡封皆原靈惠始封之號當作靈惠崇福先封後加善利二字乃言爲善人利之意以上封夫人凡四封光宗紹熙三年以救疫旱功

特封靈惠妃寧宗慶元四年以救潦封靈惠助順妃

嘉定元年平大奚寇以霧助擒賊金人犯淮甸戰花

靨鎮神助戰及戰紫金山又見神像再捷三戰遂解

合肥之圍封靈惠助順顯衛妃嘉定十年救旱獲海

寇加靈惠助順顯衛英烈妃嘉熙三年錢塘潮決至

艮山祠若有限而退封靈惠助順嘉應英烈妃寶祐  
二年救旱封助順嘉應英烈協正妃三年又封靈惠  
助順嘉應慈濟妃四年封靈惠協正嘉應慈濟妃是  
歲浙江隄成封靈惠協正嘉應善慶妃五年敎授王  
里請于朝封妃父積慶侯母顯慶夫人女兄以及神  
佐皆有錫命景定三年反風膠海寇舟就擒封靈惠  
顯濟嘉應善慶妃宋封夫人四加封  
妃十凡十四封元世祖至元十  
八年以海運得神佑封護國明著天妃封天妃  
之始又進  
顯佑成宗大德三年以漕運效靈封輔聖庇民明著

天妃仁宗加封護國庇民廣濟明著天妃文宗天曆

二年加封靈感助順福惠徽烈

共二十字

廟額靈慈

元晉封天

妃凡五加封

皆以海運危險歷見顯應故也明太祖封昭

孝純正孚濟感應聖妃成祖永樂七年封護國庇民

妙靈昭應弘仁普濟天妃

至今皆仍此封號

自後遣官致祭

歲以爲常莊烈帝封天仙聖母青靈普化碧霞元君

已又加青賢普化慈應碧霞元君

明封聖妃一仍改封天妃一改封元

君二凡

四卦

本朝仍永樂七年封號康熙十九年收復臺灣神靈顯

應福提萬正色上

聞加號致祭神靈昭著于今轉赫凡渡海者必載主舟  
中往年冊封琉球

諭祭兩行夏祈冬報皆預撰文使臣昭告皆獲安全蓋  
聖德所感神應尤顯云

封舟抹濟靈蹟

惟洪熙元年抹濟柴山靈蹟詳顯  
聖錄以下無攷今斷自陳侃始

嘉靖十三年冊使陳給事侃陳侃始有記  
故自侃始高行人澄

舟至姑米山發漏呼禱得塞而濟歸值颶桅檣俱折  
忽有紅光燭舟乃請筴起柁又有蝶雀示象是夕風

虐冠服禱請立碑風乃弛還請春秋祀典

嘉靖四十年冊使郭汝霖李際春行至赤嶼無風有大魚蕩舟乃施金光明佛并彩舟舁之遂得南風而濟及回閩日颶將發豫有二雀集舟之巽須臾颶發失柁郭等爲文以告風乃息更置柁又有一鳥集桅上不去

萬曆七年冊使蕭給事崇業謝行人杰針路舛錯莫知所之且柁葉失去虔禱之次俄有一燕一蜻蜓飛繞船左右遂得易柁舟乃平安

萬曆三十年冊使夏給事子陽王行人士禎舟過花  
瓶嶼無風而浪禱于神得風順濟歸舟舵索四斷失  
舵者三大桅亦折水面忽現神燈異雀來集東風助  
順

崇禎元年冊使杜給事三策楊行人掄歸舟颶作折  
舵牙數次勒索皆斷舟中三人共購一奇楠高三尺  
值千金捐刻聖像俄有奇鳥集檣端舟行若飛一夜  
抵閩云

本朝康熙二年冊使張兵科學禮王行人垓歸舶過姑



米颶作暴雨船傾側危甚桅左右欹側龍骨半折忽  
有火光熒熒霹靂起風雨中截斷仆桅舵旋不止勒  
索皆斷禱神起柁三禱三應易繩下柁時有一鳥綠  
背紅足若雁鷺集戰臺舟人曰天妃遣來引導也遂  
達定海

康熙二十二年冊使汪檢討楫林舍人麟煇歸舟颶  
風三晝夜舟上下傾仄水滿艙中合舟能起者僅十  
六人厨竈漂没人盡餓凍虔禱天妃許爲請春秋祀  
典桅籬斷而桅不散頂繩斷而蓬不落與波上下竟

保無虞

今封舟開洋風少偏東禱立正多用卯針船身太下  
幾至落際遂虔禱得改用乙辰針又筭許二十八日  
見山果見葉壁船下六百餘里欲收那霸非西北風  
不能達禱之立轉一夜抵港 舟回至鳳尾山旋風  
轉船蓬舵俱仄呼神始正至七星山夾山下旋五更  
颶作走旋將抵礁呼神船如少緩始得下旋人皆額  
手曰此皆天妃賜也

諭祭文

祈報二道

維康熙五十八年歲次己亥五月癸酉朔越祭日癸巳

皇帝遣冊封琉球國正使翰林院檢討海寶副使翰林院編修徐葆光致祭于

海神曰惟神顯異風濤效靈瀛海扶危脫險每著神功捍患禦災允符祀典茲因冊封殊域取道重溟爰命使臣潔將禋祀尚其默佑津途安流利涉克將成命惟神之休謹告

維康熙五十九年歲次庚子二月戊戌朔越祭日丁

卯

皇帝遣冊封琉球國正使翰林院檢討海寶副使翰林院編修徐葆光致祭于

海神曰惟神誕昭靈貺陰翊昌圖引使節以邁征越洪波而利濟殊邦往復成事無愆克暢國威實惟神佑聿申昭報重薦苾芬神其鑒歆永有光烈謹告

春秋祀典疏

差回琉球國翰林院檢討

臣

海寶編修

臣

徐葆光等

謹

奏爲奏

聞事臣等於康熙五十七年六月初一日奉

旨冊封琉球國王十四日於熱河面請

聖訓出都至閩於五十八年五月二十日登舟次日至

怡山院

諭祭天妃二十二日從五虎門放洋西南順風行八日

六月初一日登岸二十七日行

諭祭禮七月二十六日行

冊封禮諸宴禮以次舉行十二月二十六日登舟候汛

本年二月十六日乘東北順風行半月三十日始抵

福州五虎門臣等往返海道畧無危險皆

皇上德邁千古

福與天齊臣等奉

命經行絕遠之處神靈效順臣等闔船官兵以及從役

數百人無一虧損皆得安歸臣等不勝欣幸卽琉球

國屬併福省官民人等俱稱奇致頌以爲皆我

皇上德遍海隅之所致也其中往返之時風少不順臣

等祈禱天妃卽獲安吉自前平定臺灣之時天妃顯

靈效順已蒙

皇上加封致祭今默佑封舟種種靈異如此仰祈

特恩許着該地方官春秋致祭以報神庥伏候

聖裁謹奏

聞

禮部謹題爲奏

聞事該

臣

等議得差回琉球國翰林院檢討

臣

海寶編

修

臣

徐葆光等奏稱

臣

等奉

旨冊封琉球國王往返海道闔船官兵以及從役數百

人無一虧損皆得安歸其中往返之時風少不順

臣

等祈禱天妃卽獲安吉自前平定臺灣之時天妃顯靈效順已蒙

皇上加封致祭今默佑封舟種種靈異仰祈

特恩許着地方官春秋致祭以報神庥等語欽惟

皇上德周寰宇化洽海隅

詔命所經神靈協應茲以

冊封琉球國王

特遣使臣舉行典禮往返大海絕險之區官兵從役數



百人皆獲安吉固由天妃顯靈實皆我

皇上懷柔百神海若效順所致也查康熙十九年

臣部

議得將天妃封爲護國庇民妙靈昭應弘仁普濟天妃遣官致祭等因具題奉

旨依議欽遵在案今天妃默佑封舟種種靈異應令該地方官春秋致祭編入祀典候

命下之日行令該督撫遵行可也

臣等未敢擅便

謹題請

旨等因康熙五十九年八月初三日題本月初六日奉

旨依議

臣

葆光按元史志云至元中以護海運有奇應加封天妃神號積至十字廟曰靈慈直沽平江周涇泉福興化等處皆有廟皇慶以來歲遣使賫香遍祭金幡一合銀一錠付平江官漕司及本府官用柔毛酒醴便服行事祝文云維年月日皇帝特遣某官等致祭於護國庇民廣濟福惠明著天妃則歲時之祭自元已有之矣前明嘉靖中冊使陳侃使還乞賜祭以答神貺禮部議令布政司設祭一

壇報可此又特祭一舉行者也萬曆三年冊使蕭  
崇業始請秩祀海神合舉祈報二祭至今封舟出  
海因之康熙二十二年冊使臣汪楫還具疏請照  
嶽瀆諸神着地方官行春秋二祭禮部議未准行  
今臣等在海中祈神佑庇竊計封號尊崇已極惟  
祀典有缺故專舉爲詞神應昭格今果蒙  
恩特賜允行典禮烜赫以答神庥超越千古矣

中山傳信錄卷第一